



Meatmaster Ooi Inligting



Meatmaster teling is begin in 1994 deur gebruik te maak van ons uitstekende Damara en Dorper stoet skape van meer as 1000 elk. In 2000 is alle kruisteling gestaak en slegs **suiwer Meatmaster skape geteel**.

In 1994 het ons begin met aantekening en prestasie toetsing en dit maak ons die **OUDESTE MEATMASTER STOET IN DIE WêRELD**. Ons doen alles reg om aan u slegs die beste en mees **winsgewende Meatmasters te bied. Wenner van die beste kleinvee kudde in S.A. 2015 en 2019**

Ooie is van geboorte op die veld met slegs klipsout as byvoeding.

Ooie word geselekteer vir parasiet weerstand maar vir u veiligheid is ooie ingespuut met 'n breë spektrum middel.

Alle ooie is geënt vir Bloednier, Pasturella, en Ensoëtiese aborsie en as lammers met Bloutong A,B en C geënt.

Ooie gedek soos aangedui op die deklis.

Ooie met groen plaatjies (lammers gespeen Januarie) gevoer vir maand op veld voor veiling, die res net van die veld af verkoop.

Aanbod

Ooie word hoofsaaklik in groepe van vyf aangebied. Groepe word aangedui deur die alfabetiese letter na die lot No. N.B. Sou 'n koper bereid wees om vir enige groep R4500 stuk of meer te betaal, mag hy enige lot uit 'n groep kies. As sy aanbod minder as R4500 is moet die hele groep geneem word of hy moet sy aanbod lig na R4500

Dis baie belangrik om 'n Meatmaster te selekteer wat aan jou behoeftes voldoen en goed vaar in jou toestande

Vir kruisteel doeleindes of vir beter groei selekteer slegs vir ramme met die hoogste **GR (groei index)**.

Om matrenale eienskappe te verbeter soos meer melk, beter vrugbaarheid en meer meerlinge selekteer vir die hoogste **Rep. index**

Vir harde, moeilike skaap boerdery omstandighede selekteer altyd vir 'n skaap met **meer lyfvet en minder bespieroing**.

Vir gemiddelde toestande en Meatmaster teling selekteer vir die skaap met die mees gebalanseerde waardes deurgans. **LMI index**.

COLLETT FARMING glo nie in lekke of voeding van ons skape nie, behalwe vir ses weke voor 'n veiling indien nodig.

Voeding beïnvloed teelwaardes negatief. Ons streef na genetiese verbetering, nie misleiding deur voeding.

BLUP teelwaardes en verwagte resultate:

Die BLUP teelwaarde neem nie net in ag die skaap se eie prestasies nie, maar ook dié van sy voorgeslagte en sy nageslag en bied aan ons die akkuraatste genetiese inligting tans moontlik van al die eienskappe wat gemeet word. Teelwaardes word aangedui as n indeks. 100 is altyd gemiddeld, bo 100 beter, onder 100 swakker.

VERDUIDELIKING VAN KATALOGUS INLIGTING

Status: Geboorte status, een twee of drieling.

Generasie: Hulpstamboek A - B - C - SP. Dui aan hoe suiwer die skaap geteel is.

Speen Dir Ind: Is die direkte effek van die skaap se gene op groei tot speen. Ook beïnvloed deur funksionele doeltreffendheid en aanpassing tot die omgewing.

Speen Mat. Ind: Dit is die effek van die moeder of ooi se gene wat die lam se speengewig beïnvloed deur hoofsaaklik melkproduksie en moedereienskappe.

Akk. %: Dui aan die akkuraatheid % van die teelwaardes. Hoe meer bruikbare inligting beskikbaar hoe hoër die Akkuraatheid. Onder 30% laag betroubaar bo 70% hoogs betroubaar.

Naspeen Dir. Ind: Dit is die direkte effek van die skaap se gene vir groei naspeen. Ook beïnvloed deur funksionele doeltreffendheid en aanpassing tot die omgewing.

Groei Ind: Kombinasie van al die gene vir groei. Ook beïnvloed deur funksionele doeltreffendheid en aanpassing tot omgewing.

Rep Ind: n Kombinasie van al die gene wat bydra to hoë vrugbaarheid, lammers wat oorleef en waarde kan toevoeg.

LMI: Logix meriete indeks. Hierdie is 'n enkele indeks wat al die dier se genetiese vermoëns saamvat vir vrugbaarheid, groei oorlewing en die vermoë om maksimale wins te genereer.

Moer lamrekord: 1ste: Ouderdom eerste lam in maande. - **ILP:** Tussen lam periode in dae - **KL:** Kere gelam. - **LB:**Lammers gebore - **LS:** Lammers gespeen - **OPI:** Die ooi se produksie gemeet teenoor haar tydgenote in die stoet.